



**НИЙСЛЭЛИЙН
ЭРҮҮЛ МЭНДИЙН ГАЗРЫН ДАРГЫН
АЛБАН ДААЛГАВАР**

2020 оны 01 сарын 31 өдөр

Дугаар 01

Улаанбаатар хот

Шинэ коронавирусын халдварын болзошгүй
эрсдэлээс урьдчилан сэргийлэх, бэлэн байдлыг
хангах тухай

БНХАУ-ын Үхань хотод гарсан шинэ коронавирусын халдвараар өвчилсөн, нас барсан, халдвар авсан хүний тоо өдрөөс өдөрт нэмэгдэж буйтай холбогдуулан болзошгүй эрсдлээс урьдчилан сэргийлэх, эмнэлгийн тусламж, үйлчилгээ, хариу арга хэмжээний бэлэн байдлыг хангах зорилгоор ДААЛГАХ нь:

1. Гамшгаас хамгаалах төлөвлөгөөнд тодотгол хийж, хүч хэрэгслийн судалгааг шинэчлэн, болзошгүй эрсдлээс урьдчилан сэргийлэх, эмнэлгийн тусламж, үйлчилгээ, хариу арга хэмжээний бэлэн байдлыг хангах,

2. Эрүүл мэндийн байгууллага бүр болзошгүй эрсдлийн үед дэлгэх тусгаарлах болон эрчимт эмчилгээний өрөө тасалгаа, орны төлөвлөлтийг ойролцоо байрлах төр, хувийн хэвшлийн эмнэлгүүдтэй хамтран хийж бэлэн байдлыг хангах,

3. Эрүүл мэндийн байгууллага бүр яаралтай тусламжийн эм, эмнэлгийн хэрэгсэл, багаж тоног төхөөрөмж, хувийн хамгаалах хувцас хэрэгсэл, амны хаалт, оношлуур, халдваргүйтгэлийн бодисын нөөцөд дахин үнэлгээ хийж, бэлэн байдлыг хангах,

4. Эмч, эмнэлгийн мэргэжилтнийг халдвараас хамгаалах, өвчнөөс урьдчилан сэргийлэх зорилгоор N95 амны хаалт, спиртэн суурьт гар халдваргүйтгэгч уусмал, хувийн хамгаалах хувцас, хэрэгслээр бүрэн хангах, дархлааг дэмжих, амин дэмээр хангах зэрэг арга хэмжээг зохион байгуулах,

5. Дэлхийн Эрүүл мэндийн байгууллагын түр зөвлөмж, Хүний шинэ коронавируст халдварын тандалт, оношилгоо эмчилгээ, халдвараас сэргийлэх заавар батлах тухай Эрүүл мэндийн сайдын 2015 оны А/242 дугаар тушаал, ТТТӨ-ий эмнэлзүйн удирдамж, Амьсгалын замын шинэ төрлийн хүнд халдваруудын эмнэлзүй, оношилгоо, эмчилгээний чиг хандлага, зарчим, халдварын сэргийлэлт, хяналтын чиглэлээр гарсан бусад тушаал, шийдвэр, удирдамж зааврыг эмч эмнэлгийн мэргэжилтэнүүдэд танилцуулах сургалтыг тогтмол зохион байгуулах, хэрэгжилтэд хяналт тавих,

6. Эрүүл мэндийн байгууллага бүр олон нийтийг хамарсан арга хэмжээ зохион байгуулахгүй байх ба эргэлт, үйлчлүүлэгчийн хөдөлгөөнд хэсэгчилсэн хязгаарлалт, зохицуулалт хийх,

7. Биеийн байдал хүнд, эргэлзээтэй, эмчилгээ үр дүн бага байгаа болон өвчлөл бүртгэгдсэн газраас ирсэн өгүүлэмжтэй иргэдэд тусламж үйлчилгээ үзүүлэхдээ Эрүүл мэндийн яамнаас томилогдсон зөвлөх багтай холбогдон зөвөлгөө авч хамтран ажиллах,

8. Шаардлагатай үед ажиллах нэмэлтээр дайчлан ажиллуулах, эмч, мэргэжилтэн эмнэлгийн ажилтны судалгааг гаргаж, сургалтанд хамруулах,

9. Жирэмсэн эмэгтэйд харьяалал харгалзахгүй тусламж, үйлчилгээг хүлээгдэл, чирэгдэлгүй үзүүлэхэд онцгойлон анхаарах,

10. Эрүүл мэндийн байгууллага бүр ариутгал цэвэрлэгээ, халдваргүйтгэлийг тогтмол хийж, үйлчлүүлж буй иргэдийг амны хаалт зүүхийг шаардах, гар угаах, халдваргүйжүүлэх нөхцлийг бүрдүүлж ажиллах,

11. Тосгон, өрхийн эрүүл мэндийн төв нь Нийт үзлэгийн 60%-аас доошгүй хувийг 2020 оны 02 дугаар сарын 03-ны өдрөөс эхлэн гэрийн эргэлтэд шилжүүлж, бага насны болон суурь өвчтэй хүүхдүүд, өндөр настан, жирэмсэн эх, архаг хууч өвчтэй хэвтрийн болон хөгжлийн бэрхшээлтэй иргэдэд үзүүлэх тусламж үйлчилгээг гэрээр үзүүлэх зохион байгуулалтын арга хэмжээ авч ажиллах,

12. Албан даалгаврын хэрэгжилтийн тайланг 14 хоног тутамд Эмнэлгийн тусламжийн хэлтэст ирүүлэх.

ДАРГА



Л.ТӨМӨРБААТАР